

Nama : Inaf Nadia

Kelas : XII-2

Kaendahane Niken Salindry



Ing sawijining wengi, balai desa rame banget. Wong-wong padha teka amarga ana pagelaran campursari. Cah cilik nganti wong sepuh padha nglumpuk, pengen nyekseni swara lan penampilan saka sindhen enom sing lagi kondhang: Niken Salindry.

Aku uga melu lungguh ing bangku mburi, mungkasi rasa penasaran. Nalika lampu panggung murup, katon prawan enom nganggo kebaya abang lan jarit batik sing ngemu kaendahan Jawa. Rambute digelung rapi, nganggo kembang melati sing semerbak wangi.

Nalika swara kendang lan siter muni, Niken wiwit nembang. Swarane bening, cetha, lan nyusup nganti jero ati. Kaya banyu bening sing mili saka sumber, seger lan ngilangi rasa kesel. Aku rumangsa kaya digawa mlebu ing jagad liyan sing kebak rasa tentrem.

Wong-wong padha gumun, ana sing manggut-manggut, ana sing gumuyu bahagia, lan ora sithik sing rekasa ngempet kagum. Ora mung suwarane sing endah, nanging unggah-ungguhe lan tatakramane ing panggung uga ndadekake dheweke katon mulya.

Ing jero atiku aku mikir, kaendahane Niken ora mung ana ing rai lan swara. Nanging ana ing sikapé sing sederhana lan ngajeni saben wong sing ngrungokake.

Sawise tembang rampung, swara gemuruh tepuk tangan nutupi alun-alun desa. Niken mesem manis, nyembah marang para pamiarsa. Ing wektu kuwi, aku ngerti yen kaendahan sejati iku ora mung saka njaba, nanging uga saka rasa tulus sing metu saka ati.